

[www.BibleForChildren.org](http://www.BibleForChildren.org)

# मत्ती ८



तोउं टेके रोज, गलील राज्ये, काना नओएं शेहर अन्तर केसे  
ब्याहे धाम थी। त यीशु ई तठि थी। ब्याह जे यीशु त तसे  
चेले बि धामो थिए।



त जपल धामी बाड़ी के अराख मुक गा त यीशु ईये तस केई  
एई कइ बोलु, “कोईया, अन्के अराख मुक गो असा।”  
त तसे ईये नौखरी जे बोलु, “जे बि ए बोलाल, तीं करे”।



तोउं यीश तेन्हि नौखरी जे बोलु, “घाड़ अन्तर  
पुओणि भरीण दिए।” नौखरी सम्हाई घाड़  
पुओणि बड़ भरीं किए जीं उधार भरो असुं। तोउं  
तेन तेन्हि जे बोलु, “अब इठिआ धिक किंढ कइ  
सरबेंटु धे दिए।” तोउं तेन्हि नौखरी जीं तेन  
बोलु, तीं किउ।



त घाड़ पुओणि अराख बण गा। पर सरबेंट पता नेओथ कि ए  
कोठिआ अण्हो असा। सद तेन्हि नौखरी पता थिआ कि ए  
कोठिआ अण्हतो असा। त जपल  
सरबेंटु से पुओणि चखु जे  
अराख बणि गो थिआ त  
नोउआं लाड़ा भिआई कइ  
बोलु, “सोब पेहले तेज  
अराख देन्ते त जपल  
मेहमानी धिक धिक  
लग चढ़ती त  
पुओणि ईं पिआन्ते।  
पर तेईं त अभेईं  
तकर तेज  
अराख रखो  
असा”।




यीशु गलील राज्ये, काना शहर अन्तर पेहले  
ए चमत्कारे कम कर कइ अपु शक्ति  
हराली त तसे चेली तेस पुठ  
विश्वास किआ।



यीशु जपल पतरसे गी पूजा, त तेन हेरु कि  
पतरसे शशु सेक भुणे बैलि बीमार असी।



तेन तसे हतेउ टातु त तसे सेक मुक गा  
त से खडी कइ तसे सेवा करण लगी।






झवादी टेम जिखेईं दिस ओली गोउ त मेहणु सोबी बीमार  
मेहणु त जेन्हि अन्तर दुष्ट आत्मा थी, तेन्हि तेस केईं घिन  
आए। त पूरे शेहरे मेहणु  
तसे दुआर पुठ किठे  
भोई गे।



त तेन सुआ बीमार मेहणु सुसुरेरि छडे जे हर किस्मी बीमारी  
बेलिए कष्ट अन्तर थिए। तेन सुआ मेहणु केआं दुष्ट आत्मा  
बाहर किडि, त तेन्हि बोलुण न दुतु, किस कि से तेस  
पिछाणतीथ।



सोब तस छूण चहन्तेथ, किस कि तस केआं ठीक करणे  
शक्ति निसतीथ त सोब ठीक भोई घेन्तेथ। -



तपल, कछ मेहणु चोउर मेहणु के मदते बेलि यक अदरंगे  
बीमार मेहणु डानौ पुठ कर कइ तसे भेएइ अण्हण लगे थिए।



पर सुआ हुसुड़े बेलि से तसे भेएड़ पूज  
न बटे। तौं तेन्हि से लहाड़ पुठि छड़ा,  
जेस पड्डे से थिआ; त से बीमार मेहणु  
डानी समेत तेन खोपरे बड़  
उन्निया छड़ा।




यीशु तेन्के विश्वास हेर कइ तेस अदरंगे बीमार मेहणु जे बोलु,  
“मेहणुआ! तें पाप माफ भोई गे”।  
“अउं तोउ जे बोता, खइ भो!  
अपु डानी टाइ कइ अपु  
गी जे घेई गा।”



तोउं जपल यीशु घेण जे नाव पुठ चढ़ा त तसे चले बि तसे  
पता पता चढ़ गे। तोउं धिक पता,  
अजगता, तथ अन्तर अत बोडा  
तुफान आ कि छल्हारे नाव  
अन्तर एण लगे। पर से  
उंघ गो थिआ।



तेन तेन्हि जे बोल, “ए कमजोर विश्वासीओ! तुस किस अत डरो असे?” तोउं तेन खड़ी कइ पुओणि त तुफान जइका त से सोब डम्हरी गा। चेले हैरान भोई कइ बोलुणं लगे,  
“ए की बंदा असा बारा, तुफान त पुओणि बि असे बोक मानते, आं?”





परमेश्वर सम्हाई  
जुए ती परेम कता। तोउं त तेन अपु  
इकलौता कुआ इस धरती पुठ लंघा। तँ जे बि  
तस पुठ विश्वास कराल, हमेशा परमेश्वर  
जुए बिशाल। पर जे बि परमेश्वरे कुआ  
पुठ विश्वास न कराल से परमेश्वर  
केआं हमेशा लिए दूर भोई  
घियाल त खतम  
भोई घियाल।



रोमी 3:23

किस कि सोबी गलती त पाप किओ असे त परमेश्वरे महिमा मेणे लेएक नेईं रिहो।

रोमी 6:23

किस कि पाप करणे मजूरी मौत असी, पर परमेश्वरे वरदान हैं प्रभु मसीह यीशु अन्तर अमर जीवन असा।

इब्रानी 9:27

जिहांणि कि मेहणु के लिए यके लिंगि मरुण त तदिया पता तेन्के न्याय भुण पक्कु असु,



इफिसस 2:8,9

किस की विश्वास जाए त परमेश्वरे दाही बेलि तस बच गो असे।  
ए तुसी केईआं न भौ, होर ना कुछ खरे कमी के बड़ाई जोई भो।  
पर परमेश्वर कनारा यक दाने भो ताकि कोई रोभ ना किढ़  
बटियाल।

रोमी 10:9,10

तोउं त, अगर तु अपु मुंहे बड़ यीशु जे “प्रभु” बोलाल, होर अपु  
पूरे मने बड़ विश्वास करियाल कि परमेश्वरे से मरो तेन्हि अन्तरा  
दुबारी जीआ, त तु जरूर बचता। किस कि धर्मी भुण जे मने बड़  
विश्वास करिए लौता, होर बचणे लिए मुंहुए बड़ बोलिये लौतु।



## यूहन्ना 3:16,17

परमेश्वर सम्हाई जुए ती परेम कता। तोउं त तेन अपु इकलौता कुआ इस धरती पुठ लंघा। त जे बि तस पुठ विश्वास कराल, हमेशा परमेश्वर जुए बिशाल। पर जे बि परमेश्वरे कुआ पुठ विश्वास न कराल से परमेश्वर केआं हमेशा लिए दूर भोई घियाल त खतम भोई घियाल। परमेश्वरे अपु कुआ इस धरती पुठ तोउं लंघा, ताकि तसे बेलि मेहणु अपु पापे सज्जा केआं बच सकियेल। से मेहणु सज्जा शुणाण जे ना थिआ अओ।

## 1 यूहन्ना 5:11-13

होर से उगाही ई भो कि परमेश्वरे हेन्धे अमर जीवन दुतो असा। ए जीवन तसे कोईये बेलि ईं मेता। जे परमेश्वरे कुआ जुए जुड़ कड़ बिश्ते, तेन्हि अमर जीवन मेता। होर जे तस जुए जुड़ कड़ ना बिश्ता, तेन्हि अमर जीवन ना मेता। तस, जे परमेश्वरे कोईया नओं पुठ विश्वास कते मेईं तुसी जे तोउं लिखो असु, ताकि तुस जाण घियेल कि अमर जीवन तुसी मेईं गो असा।



मत्ती 8-9; मरकुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Pangwali: Walangi NT (pgg) © 2023 (Active)  
Wycliffe Bible Translators, Inc. All rights reserved.

<https://www.bible.com/bible/3555/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

